

تورککک ، اسلاملق ، عثمانلیلق

دوغرو و یا یا ککش ، ساحه مناقشه یه چیقان مرجریان یولی اوزرنده مطلقا برچوق مانعهلره تصادف ایدر . بعضاً روحی و بسیط سبیلرک ، بعضاً داهای قاریشیق و مادی عامللرک محصولی اولان بواعراضلر ، مانعهلر ، پک قاندهلی بر اصطفای وظیفه سی کورمکده در . بوکجه مانعهلره معروض قالان مرجریان کر ساخته و ضعیف ایسه بالضروره ثلوب اونوتولور ؛ اگر طبعی و قوتلی مرجریان ایسه ، قارشیسنه قونق ایسته نن مانعهلری متزاید بر قوتله ازوب کچر . کورولتولور ، تهدیدلر ، تحقیرلر ، پارلاق و مستهزی جملهلر ، طبعی جریانلر قارشیسنده مسکین و عاجزدر . اسکی و مشهور برسوزی تکرار ایدرک دیه جکیزکه حقیقت رانما غلبه اتمکده در ؛ بشریت ساحه سنده کی الک بویوک حقیقت ایسه ، اجتماعی و تاریخی ضرورتلرک غلبه سنده باشقا برشی دکدر .

خرستیان عالمنک ملی انتباهندن صوکر ، اسلام دنیاسنک ملیت اساسلرینه اوزون مدت لاقید قالماسی ممکن اولامازدی . عصرک بین الام مناسباتی مادی و معنوی برچوق روابطله اوایی عالمی بربرینه باغلا بوردی . بناء علیه داخلی عامللرک بوتون محافظه کارلغنه رغماً خارجی مؤثرلرک تضییق مطلقا اوزاق و یا یاقین برزمانده کندینی کوستره جکدی . ایشته تاریخنک بوبسیط ضرورتی نهایت میداننه چیقدی و اسلام ملتیزنده یاواش یاواش « قومیت » اقنومی تشکله - یاخود دیگر برتلاقیه کوره - شعورلی برحال آلفه باشلادی . آرناوودلرده ، صربلرده بویله ملی مرجریان تشکله باشلارکن تورک عالمنک عالم اسلامده کی بوعومومی نمایندن اوزاق قالماسی طبعی ممکن اولامازدی ؛ و اولامادی ده . عثمانلی حکومتنک قوه مرکزیه سنی تشکیل ایدن تورکلر ، حاکمیت ظاهره لرینک فدیة نجاتی اولمق امید واهیسیله ، اوزون برمدت قومیتلرینی انکار ایتدکن صوکر ، نهایت ، حادثاتک او یاندران ضربه لری قارشیسنده بر موجودیت معنویه الده ایتک ضرورتی آکلادیلر . عثمانلی نامی آلتنده کی مختلف عنصرلر حتی عصرلردن بری بر

وحدت تشکیل ایشلر ایکن، اوندن محروم قالان یالکز وجدان ملیدن محروم زاواللی تورکلردی. ایشته تورک ملیتپرورلکی تاریخک بوکی ضرورتلری قارشیسنده طبیعی برصورتده وجوده کلدی. ارنی ساهته برمحصول کبی فموره شخصه، فموره زمره به عطف ایتک کرلونیچ و مقابله علمیه مخالفه.

بوکون تورک اولدقلرینی سویله ین برطاقم آدملر، تورک ملیتپرورلرینی مختلف طرزلرده تنقید ایدهدک، کندیلرینکده تشریک مساعی ایتهلری ایجاب ایدن بر جریان علیه، انصافسزجه یورو یورلر. علمی و جدی هیچ براساسه استناد ایتمین اواعتراض صاحبزری، تورک ملیتپرورلکی حقنده شیمدی یه قدر نشر ایدیلن مختلف مقالاتی براز دقتله او قومش اولسه لردی، یازدقلری معناسز سطرلردن امینم که صیقیلرلر ایدی. تورکلکی تمامیه یا کلش آ کلایارق بزه هیچ سویله مه دیکمز و دوشونمه دیکمز ملاحظهلر اسناد ایدهلر ناصل بر منطقه اتباع ایدیورلر، آ کلایه میورم. هر جریانک ابتداسنده وقوعی ضروری اولان بعض اوافق تفک افراطلردن استفاده ایله او جریانک عمومی و بویوک اساسلرینه توجیه هجوم ایتک ناصل یا کلش و معناسز ایسه، اساساتمزی هیچ تدقیق ایتهدن کورولتولو اعتراضلره قالدیشمقده او قدر عبث و تحفدر. تورک ملیتپرورلکنک اساساتی آز چوق توضیح و تفهیم مقصدیه یازیلان آتیده کی مختصر سطرلر، شیمدی یه قدر موهوم قلعه لره صالدران مهاجرلری عقل و حقیقت ساحه سینه ایندیره مسه بیله بیطرف دوشونن ارباب تدقیقه افکار و آملار حقنده آز چوق اجمالی بر فکر ویره بیلیر اعتقادنده ایم. بز نه مرجع، نه ضیالپرور، نه ده افتراقچی بز؛ عثمانیملک، اندململک محافظه مرهوبیتنی، آنجان تورککلک انتباه و رقبسی هالنده محکم کور یورن.

تورککلک

کره ارضک هر هانکی بریرنده، مشترک لسانه، مشترک تاریخه، مشترک تمایلات و حسیاته مالک هر هانکی برکتله موجود ایسه، اوراده برملت موجود دیمکدر. تاریخک جریانی، بعضاً، عین حاکمیت سیاسی آلتنده قالمش مختلف

قومیتلری بر برینه مزج و توحید ایتمشه ده، اکثریا دینک تأثیر معنویسیله تفسیر ایده جکمز بو حادته وجدان ملینک تشکل ایدمه مدیکی اسکی دورلر حقنده وارددر. بوگونک مادی و معنوی ترقیاتی، لسانی و عرقی جماعتلرک «معنوی بروحدت» حائی آملارینه سبیت ویریور. بناء علیه قطعاً امین اولمالیدرکه هر زرده بر عرب جماعتی موجود ایسه اوراده عربلق مسئلهسی، هر زرده بر تورک کتلهسی وارسه اوراده ده تورکک مسئلهسی طبیعتیه جیقمش دیمکدر. عصرک ترقیلرینه جینک مقدس دیوارلری بیله آچیلمش ایکن، اسلام قوملرینی اک طبیعی، اک مشروع حقلرندن محروم ایتمکه چالیشمق فائده سز بر سعیدر. بناء علیه بعض معارضلرک «اورتایه هیچ یوقدن بر تورکک مسئلهسی جیقاردیکز» دیمهلری، تاریخک ضرورتلرینی ادراک ایتمه ملرندن ایلری کایور.

بوگون غربدن شرقه دوغرو أزجوق کثیف خطرله آقوب کیده ن بویوک بر تورک قومیتی موجوددر. دین، لسان، غنغات اعتباریه همان همان معنوی بروحدت تشکیل ایدنه بومادی کتله موجود ایکن، تورکک مسئلهسی کندی کندیسنه میدان جیقمش دیمکدر. تورکار آراسنده هنوز تمامیه ملی بروجدان تشکل ایدمه مدیکی جهتله، بوتورکک مسئلهسی شمذیلک فعلاً دکل، فقط حقیقه، ماده موجوددر. لکن تاریخک جریانلرینی چویرمک و معنوی قوتلرک استیلانسه قارشى کیمک ایچون سیاسی حدودلر و عسکری تدبیرلردا نماجاز قلاجق. معاسیله، حقیقت ایلرله یه جکدر. بوکا جنوب اسلاولرینی اک قاهر بر مثال اولارق کوستره جکم:

بر قسم جنوب اسلاولری عصرلرجه تورک حاکمیتی آلتنده قالدیلر. فقط کرک طبیعت اراضی کرک تورک حاکمیتک ماهیت محافظه کارانهسی اونلرک ملتلرینی ینه عصرلرجه صاقلادی. جنوب اسلاولری نهایت عصرک مشاعل عرفانیله وجدانلارنده ملت آتشی یاقنجه، ماده موجود او معنوی وحدتله فعلی و سیاسی هیئتله تشکیلنه درحال موفق اولدیلر.

هر ملت بشریتک هیئت مجموعه سنه آیری بروحدت حالنده التحاق ایدره. معنوی بروحدت وجوده کتیرمه ین قوملر هنوز کندیلکلرندن بی خبر و رابطه سز

بر كومه دن عادتاً فرقسزدرلر . بولفسارلر ، صربلر ، يونانلير « خرستيان بين المليت » نه آنجاق شعورلى بر جماعت حالى آلدقن صوكر التحقا ايدە بيلديلر . چونكه آنجاق اوزمان بر كميت عد اولونابيلرلردى .

ملى انتباهلرك ضرورتى اثبات ايچون جنوب اسلاولرني كوسترمكه ، توركلركده عين صورتله اوفق اوفق سياسى هيئتله ياخود بويوك بر وحدت سياسيه وجوده كتيره جكلريني وتورك مليتپرورلكنك بوغايه يي تعقيب ايتديكني ايتما ايتيورم . مى مفكوره اساساً كاغد اوزرنده تثبيت ايديله بيله جك بر ماهيتى حائز اولاماز . فقط بوكونكي تورك مليتپرورلى هيچ بر زمان اوهام و خيالاته مغلوب و حقايق حادثادن بي خبر اولماقلرى جهتله ، سياسى بر غايه خدام دكلدرلر . اونلرك اك بويوك مقصدلى عثمانلى بايراغى آلتنده شعورسز بر حيات كچيره ن توركلره مى بر وجدان ويرمك وبوصورتله « اسلام بين المليت » نه قوى بر عنصر ادخال ايتمكه برابر عثمانلى سلطنتك متزلزل استنادكاهلريني يكي دن تقويه ايتكدرد . بو مقصدك حصولى تقديرنده عثمانلى حدودى خارجنده بزه روابط دينيه ولسانيه ايله معنا مربوط اولان مليونلرجه قارده شمر مى بر وجدان قازانا جق ، مدنيت و انسانيت يولنده ايلرله مش اولاجقدر .

تورك مليتپرورلرينك بوكون اك اول دوشوندكارى عثمانلى توركلارى ، يعنى عثمانلى بايراغى آلتنده ياشايان توركلر معنا و ماده پریشان بر حالده بولونيورلر . خارجى و داخلى بر چوق عامللرك تأثيريله توركلر آج بر رنجبر وتورك مملكتلى عادتاً بر خرابه زار حاليه كلدى . خلقه هيچ مربوط اولمايان رنكسز ، قوزموپوليت ، ساخته بر صنف متفكرندن ، پریشان مدرسه لرندن ، رنكسز و غايه سز محدود مكته لرندن باشقا توركلركك هيچ بر استنادكاهى يوق . مليتى تشكيل ايدە ن اك بويوك ايكي عنصر : مى لسان و مى تاريخ يعنى ديل و غننه ، اصليت و حقيقتى غائب ايتمش و بالطبع بر عامل الحطاط حالى المش . مى تاريخ اوقدر اونوتولمش كه ، ملكك اسمى اولان تورك آدى اورتادن قالقمش و يرينه ديپلوماتيق [دؤلى] بر عنواندن باشقا بر شى اولمايان « عثمانلى » لفظى قائم اولمش . متفكرلر مز ، مؤرخلر مز ، رجال حكومت مز هپ او لفظك سحر آلود تأثيريله اويوشوب

قلمش لر ... بوتون بو ايضاحات دن صو كرا عثمانلى ايمپراطور لنى داخنده كى توركلرك
ملى بر وجداندن نه قدر محروم ، معنوى بر وحدت تشكيل ايتمكدن نه درجه
بعيد اولدينى يك قولاي آكلاشيلير . غرب ارباب تدقيق و تفكرندن بر جوقلرينك
ادعائى وجهله ، بز توركلر حالا مى مفكوره دن محروم و بناء عليه مى تساندن
بى خبر ، رابطه سز بر هينث مجموعه تشكيل ايدييورز . حالوكه بويله انحلال و تجزى به
مهميا بر كته نك شو يكر منجى ملت عصر نده هيچ بر حق حياتى اولاماز .

بز توركلر ، بويله بر سدير غفلت اوزرنده حاكميت ظاهر يه مترك باده شوقيله
مست و حيران ياتيوركن بزمله عين طوير اقدم و عين سما آلتده ياشايان
خرستيان و طنداشلر مرن ، روملر ، ارمني لر ، بولغارلر ، صربلر ، ... موقع
جغرافيلرينك ايجاباتنه كوره آز چوق زمان فرقليله اويانيورلر و فرانسه
اختلال كيرينك بوتون دنيا يه صاچدينى ملت قفلجملرينك معاسنى كيتدكجه
داها وضوح ايله ادراك ايدييورلردى . اولر ذاتاً بويله بر انتباهه يك مساعد
بر وضعيته ايديلر : مذهبي امتيازات و سياسى محكوميت هر خريستيان جماعتى
معنوى بر وحدت حاله صوقش ؛ هر قوم افرادى آراسنده مى بر تساند
و تعان حصوله ككش دى . روم بطريقخانه سى داها كوپريلر زماننده و بلكه ده اوندن
داها اپى اول « روملرك آن استقلالى يا قلاشد يغنى ، تورك حكومتك زوال پذير
اولاجغنى ، روم جماعتى آراسنده بويوك بر حرارت و قناعتله نشر ايدييوردى .
فضله تفصيلات ايله قارلر مرنى يورماق ايچون صوك بر قاج عصر لى
تاريخ مرنى تدقيق دن صرف نظر ايدى . رك ابتدائى مشروطيت مرنه قدر كله جكز ؛
عبدالحميد اداره سى قاهر و مستبد بر سلطنت دى ؛ ايمپراطور لنى تأسيس ايدى بوتون
عناصره قارشى عين قوت و شدتله معامله ايدى . رك حكومتى او قوتله اداره
و محافظه ايليوردى . عنصرلر آره سنده كى موازنت ، نفوذ سلطنتله تأمين ايدى ملكده
ايدى .

آنى بر ضربه ايله بو غير طبيعى حاله نهايت و يرلدكن صو كرا ، رجال
و متفكر ينمرك كورمه ين كوزلرى قارشيسنده ، موازنت عناصر مسئله سى بوتون
وضوح و مهالكيله ميدانه چيقدى . فقط حریت و مساوات اقوملرى غافل

دماغلرمیزی سرخوش ایتدیکی جهته ، اك بصیرتلی رجا لمر بیله اسکی قانون اساسی بی محافظه ایتک ایسته مدیلر . یکی قانون اساسی بوتون عنصرلری مجادله ساحه سنده سربست براقه رق موازنت عناصر مسئله سنی تورکلرک و حتی بوتون عثمانلیغک منافع حقیقه سنه مغایر بر صورتده حل ایدیوردی . پک اوزون ملاحظات و تبعاته مفتقر اولان بونقطه بی مختصر بر صورتده تفسیر و ایضاح ایده لم : هر شیده اولدینی کبی اجتماعیات ساحه سنده بر موازنت قوا مسئله سی واردر . فردی حیات ناصل حیاتی قوتلرک توازیله قائم اولیورسه ، اجتماعی حیاتده اجتماعی قوتلرک توازیله قائمدر . عثمانلی دولت حاضره سی مختلف عنصرلردن یعنی مختلف قوتلردن ترکب ایدیور . دولتمیزی بویوک برداثره اجتماعی به بکزه ته جک اولورسه قوه مرکزیه بی تورکلک ، اونک اطرافنده کی برنجی دأثره بی اسلاملق ، صوکه دأثره بی ده تورک و اسلام قوه جاذبه سنه طبیعتیه مجبور انقیاد اولان خرستیان عنصرلر تشکیل ایده ر . عثمانلی دولتنک شیمدی به قدر اجزای وطندن بر چوغنی غائب ایتمه سی ، تورک قوه مرکزیه سنک ضعفندن ایلری کلمکده در . اسکی زمانلرده ، تورک و اسلام قوتی ، اطرافنده کی سائر عناصری - حتی عن مرکز تمایلاته صاحب اولدق لری حالده بیله - محافظه ایده بیلیوردی . فقط بر چوق عواملک تأثیریه او قوه مرکزیه دوچار ضعف اولمغه باشلایمجه ، اك خارجی قسملردن باشلایارق ضروری بر افتراق و انحلال وقوعه کلدی . یونانستان ، رومانی ، صربستان ، بلغارستان استقلاللری بو طرز تلقی ایله پک قولای تفسیر اولونا بیلیر . تنظیلات دوره سی ، خرستیان عنصرلری اقوام اسلامیه ایله عین حقوقه مالک ایتک و بو صورته بین العناصر سربست بر ساحه جدال و انکشاف حاضر لاق ایتمش ایسه ده شکل حکومتک ضرورتی اونی ساحه امکانه چیقماقندن منع ایتمشدی . فقط هر عنصر ، عصرلردن بری آلیشدینی جماعت حیاتی کیتدکجه تقویه ایدیور ، و بو صورته استقبال ایچون حاضر لانیوردی . ایسته مشروطیتک اعلانی بوتون عناصره مشتاق اولدق لری او فرصتی ویردی .

عثمانلی دولتی هر شیدن اول بر تورک و اسلام سلطنتیدر . قوه مرکزیه بی ابتدا تورکلک و اوکا پک مربوط حالده اسلاملق تشکیل ایده ر . حالبوکه یوقاریده

ایضاح ایدلایکی وجهله معنوی بروحدت تشکیل ایتمه‌ین، رابطه‌سز بر تورک‌لک
ایله، آیری آیری حیات قومیه‌دن محروم و محکوم انحلال، عاجز بر اسلاملق
ایمپراطورلک محتاج اولدیفی بر قوه مرکزیه تشکیل ایدمه‌ن. بویه کندبسی
محافظه‌دن عاجز بر قوت ناصل اولورده ملتیرنی آکلامش و معنوی بر وحدت
وجوده کتیرمش عنصرلری اطرافنده محافظه ایدمه‌بیلیر؟ ایشته درت بش سنه‌لک
دوره مشروطیت بزه بو حقیقتلری لایقیله آکلاتدی. بناء علیه معارضلر منک کمال
وجد و حرارتله بحث ایتدکاری عثمانلیلفی تجزی و تحلیلده قورنارمن آنجا
تورک‌لرک ده ملی بر مفکوره به مالکیتلر به ممکن اولدیه‌ن. مشروطیتک سربست
ساحه‌سنده اقتصاداً، علماً مغلوب و زبون قالماق و اداره ایدمه‌جکمز اقوامک
احتیاجات روحیه‌سنی آکلایه‌رق اوکا کوره بر سیاست تعقیب ایدمه‌بیلیمک ایچون
اولا کندی بیلکمز بیلیمه‌ن، معنوی بر وارلق الده ایتمه‌ن لازم کلیوردی.
حالبوکه تنظیمات دوره‌سنک پارلاق خیال‌لرینه قاییلان رجال حکومتن، صمیمی
ویا ساخته بر حسله، حقیقی بر عثمانلی قومیتی موجود عدایده‌رک مملکتده مختلف
عنصرلرک، آیری آیری بر حیات داخلیه مالک جماعتلرک موجودیتله ملی
مفکوره‌لرندن تغافل کوستردکاری ایچون، مملکت بو مدت ظرفنده داخلی
صارصینتیلردن قور تولغه موفق اولامادی. تورک‌لر نهمانه ملی بر ره‌انه مالک
اولورلرله اسلامیت و عثمانلیلفی، آنجا اولدیه‌ن، محتاج اولدیفی قوه مرکزیه
قادرلرله ره‌یئت حاضره سیاهیه‌ن عناصرک انکشاف ملبلرله متراف بر آهنگ
تام دایره‌سنده ایلرله به‌کدر.

اسلاملق

بر ملتک تشککنده اک چوق ذی نفوذ اولان عواملدن بری ده دیندر. ملی
تاریخ بر درجه‌یه قدر دینی تاریخ دیمکدر. فقط دینک بو اهمیتی هیچ بر زمان
اونک باشلی باشنه بر قومیت وجوده کتیره‌جکنی اثبات ایتمز. خرسیتانلق علمی
بوکا الواضح بر دلیل اولابیلیر: شیمدی به قدر نه قاتولیکک، نه پروتستانلق،

نده اورتودوقسلى بروحدت مليه وجوده كتيه بيلمشدر. دينك بو خصوصه
ايضا ايتديكي وظيفه، عين دينه منسوب مختلف مليلر آراسنده بر « بين المليت »
ميدانه چيقارمقدن عبارتدر. بوكون ناصل آز چوق عين حسله متحسس
برقاتليك عالمي، بر اورتودوقس دنيايى وارسه عين صورتله برده « خريستان
بين المليت » ي وارددر. بر چوق متفكرينك على بر طاقلرينك ده ضمنى اعترافى،
اسلام عالمه قارشى بو خريستان بين المليت عادتاً مشترك بر حسله متحسس اولديغنى
اثبات ايدييور. بالخاصه وقايع اخيره بزه بو حقيقتى چوق بليغ بر صورتده
آكلاتدى. ايشته بز بوكا قارشى اقوام اسلاميه آراسنده كي اخوت دينيه نك دها
شعورلى بر شكل آلماسنى ايستورز. فقط بو اخوت دينيه نك برقيمتى حائر اولماسى
ايچون اولو اسلام قوملرينك كندى معنى وحدتلىنى آكلالمارى يعنى آيرى
آيرى بر رقوت حاله كلمه لرى لازم كليور. مثلاً عثمانلى ايمپراطورلغنى نظراً اعتباره
آليرسوق، بو ايمپراطورلق داخلنده اسلاملك تعاليسى ديمك، اوساحه ده
ياشاين اسلام قوملك يعنى توركلرله عربلرله بروفاق و آهنگ تام دائره سنده
آيرى آيرى كندى بىلكلرندن خبردار اولمارى ديمكدر. كندى موجوديتندن
بى خبر بر قوم معنى بروحدت تشكيل ايده مزكه مادي بر قوتى حائر اولسون.
اويله قوتسز، ضعيف كيتلر يكديكريله ائتلاف واتحاد ايتك دكل حتى بر برلريله
قايناشه لر بيله بر قوت تشكيل ايده مزلر. عربلرله توركلرله حال حاضرى بوكا
اك بليغ بر شاهددر. حالوكه هرايكى ملت كندى موجوديتلىنى آكلارسه،
منافع مشتركلىرى دها اى ادراك ايده رلر؛ و آرالرنده هيچ بر سوء تفهم چيقماز.
احكام جليله دينيه استناد ايتك ايسته ين بعضيلرى، باعث تفرقه اولاجنى
جهتله دينك ملتى اصلاً تجويز ايتمه ديكنى و تورك ملتى پرورلرينك اسلام قوملرينه
سوء مثال اولدقلىنى ادعا ايدييورلر. اولو عربلرله، آرنا وودلرده باشلايان مائت
جرياننى توركلر آراسنده هپسندن مؤخر اولديغى ايچون، بزم سوء مثال اولديغمز
ادعاسى اساسندن مجروحدر. اسلاملقد ملية مسئله سنه كلنجه، مقاله نك مدخلنده
عرض ايدلديكي وجهله اسلام قوملرى آراسنده ملية جرياننك باشلاماسى بر
ضرورت تاريخيه در. بو جريانلر ملتك منافع حقيقه سنى مدرك و ذكى، ناموسكار

رهبرلر طرفسندن اداره اولونورسه باعث تفرقه دكل بالعكس بادی نجات
و خلاص اولور.

عثمانلی دولتی صفت خلافتی ده جامع اولمق اعتباریه حدودلر من خارجنده کی
اسلاملرله آرامزده پک قوی و صمیمی بر اخوت دینه جابکیردر . فقط تورك
ملیتپرورلرینک اولا دوشوندکاری ، بالطبع ، عثمانلی اسلاملردر . منافعمزک
اشتراکی ، حسیات دینه مزک وحدتی حسیله تورك قومیه سائر اقوام اسلامیه
آراسنده بادی نفاق و تفرقه اولابیله جک هیچ بر نی یوقدر . هیئت حاضره
سیاسیه مزک تعالی و ترقیسی خصوصنده روی زمینده کی بوتون مسلمانلر عین
حسله متحسدرلر.

عثمانلی ایمپراطورلغی محافظه ایدن قوه مرکزیه نک تورك و اسلام قوی
اولدیغی سویله مشدک؛ مملکتده تورکردن باشقا اک بویوک اسلام قوی عربلردر.
شو حالده پک واضح بر صورتده آ کلاشیلدورکه عثمانلی دولتی هرشیدن اول بویاکی
عنصرک تعالیسیله یوکسله بیله جکدر . وضعیت جغرافیه ، توزع عرقی ، منافع
مادیه نک اتحادی کبی مادی و قوتلی عامللردن باشقا مشترک بر دینه یعنی قسماً
مشترک بر تاریخه و مشترک عنعناته مالکیت کبی معنوی عامللرده بونی انتاج ایدیور.
اک مفرط خیاللره قاپیلان بر عرب ملیتپروری بیله براز دوشونه جک اولورسه
یو حقیقتی پک قولای آ کلار: مستقبل عربلغک وجهه آمالی غربه یعنی بحر سفیدک
جنوب ساحه سنه متوجهدر. شمالی آفریقا بر عرب مملکتی اولدیغی جهته عرب
ملیتک انکشاف مستقبلندن اک چوق قورقارلی لازم کلنلر اوراده کی مستملکه
صاحبلیدر؛ او مستملکه صاحبلرینک غیر مسلم عربلری تورکلک علیه سوق
ایتمک صورتیه عربلغک حقیقی منافعنه مغایر افتراخی بر ملیتپرورلک تولیدینه
قالقیشمالری ، حقیقی و جدی بر عرب ملیتپرورلکنک حصوله شیمن مانع
اولمق ایچونددر. بر اتنوغرافی خریطه سنک کمال وضوح ایله کوستردیکی بویسیط
حقیقتلری حقیقی عرب ملیتپرورلرینک پک ای ادراک ایتدکلرینی کمال ممنونیتله
کورئیورز . وجهه عزیمتلری باشقا ، فقط آرقه آرقه ویره رک بر برندن قوت
آلان ایکی آدم فرض ایدیکنز : اولنردن هر هانکی بری چکیله جک اولورسه

طبيعی ايکسې بردن ييقيه جقدر . ايشته بوتمال، تورکلکله عربلغک يکديکريله اولان درجه لزوم وارتباطنی مادی بر صورتده کوسترييور . آیری بر موقع جغرافییه، آیری بر لسان وادبیاته، آیری عادات و غنعاته مالک بر هیئت مجموعه، زدهده بولونورسه، مطلقا آیری بر وحدت معنویه تشکیل ایدره . کاشانده بواوصافی حائر بر عرب و بر تورک جماعتی بولوندينی تصدیق ایدیلنجه بر عربلق و بر تورکلک وجود بولماسنی طبیعی کورمه لیدر . دینک اشتراکی هیچ بر وقت اونلرک بر ملیت واحده حالده قایناشمه لرینه سببیت ویره مز . فقط یوقاریده عرض ایتدیکم وجهله بویله بر « قایناشمه Fusion » نک عدم امکانی بوایکی عنصرک اتحاد و اتفاق تامنه اصلا مانع دکلدر . بزم نقطه نظر مزه کوره تورکلک، اسلاملغک، عثمانیلغک ترقیسی نورکلرله برابر - اعراف عناصر اسلامیه نک ده ملی بر انبساطه مظهر بتدبیر قابلدور . بواعتبار ایله تورک ملیت پرورلرینی اسلاملق دشمنی عد ایتک یا اثر جهالت یا خود بر وسیله افترادور .

عثمانیللق

شیمدییه قدر اک یا کلش، اک مختلف تلقیلره معروض قالمش کله لردن بری شبهه یوق که « عثمانلی » کله سیدر . رجال و متفکرینمزک قسم اعظمی واقع بر ملت nation de fait اولان عثمانیلغی حالا بر ارادی ملت nation de volonté، یعنی مثلاً بر قومیت طرز و شکنده تلقی ایدره ک اوکا کوره سرد مطالعات ایدیورلر . طرز تولدینی بوراده تدقیق ایتک ایسته مدیکم بویا کلشلق، مملکته شیمدییه قدر بر چوق مصیبتلر دعوت ایتدیکی جهتله علیهمزده کی اسناداتی دفع ایچون مسئله یی مختصرجه براز یاقیندن تشریح چالیشاجغز :

بزم نقطه نظریمزه کوره عثمانلی کله سی دولت عنواندن عبارتدر ؛ مختلف عنصرلردن ترکب ایدن بو کونکی هیئت سیاسیه مزک عنوان رسمیمی اولمقدن فضله بر ماهیتی حائر دکلدر . عثمانیللق دیمک تورکلکک، عربلغک، روملغک، ارمنیلکک هیئت مجموعه سی دیمکدر . یعنی اونلرک خارجنده و اونلردن مستقل

آريجه برعثمانلىق مفھومى آكلاشيلاماز . عثمانلىلغك حياتى ، تورك جماعتلك ، عرب جماعتلك ، روم وارمنى جماعتلرينك يعنى بوآرى عضويتلرك غير ممتزج حياتندن باشقا برشى دكلدر . تورك واسلام وجدانلرى خارجندە ، معنای حقيقييله ، برعثمانلى وجدانى يوقدر واوله مایه جقدر .

ايشته بورايه قدر سردايديلن افكار وملاحظات ، « تورك يوردى » نك ، تورك ملتپرورلرينك كنديلرينه اسناد اولونان شيلردن نەقدر اوزاق ، نەقدر آرى دوشوندكلرينى واضح برصورتده كوسترييور . بز نه خيالپرور ، نه مرتجع ، نه افتراخى ، نه ده اسلاميت ويا عثمانلىق دشمنى يز . مقصدمز ، شيمدى يه قدر مختلف وسيله لرله تكرر ايتديكمز وجهله ، توركلك ، اسلاملىق و عثمانلىلغك متسانداً تعاليسى تامين ايتمكدور . حيات مدنيه يه برقاج عصردن برى حقيه قاريشه مامش ، احتياجات عصر يه تماماً وقوف كسبايتمه مش بركتله يى يعنى بويوك تورك ملتقى بوكرنلكى بشريت متمدنلك فعاليت نشريك ايره مكى ، انسانلغك يكي بر كيت بخشه ايله مكى ايجوره بو مساعى عين زمانه يك نجيب رانسايدور .

كويرمى زاده

محمد قاسم



سابق طربزون واليسى

سليمانه نظيف بك افندى

افندم ،

نام عاجزى يه خطاباً نشر بيوريلان آجيق مكتوبكزى اوقودم . مقصد ومرامكزى آكلادم ؛ بناءً عليه جوابه مبادرت ايتك جراتنده بوليورم . « تورك يوردى » مجموعه سنك اولكى نومروسنده طرف عاجزیدن دارالفنون عثمانیده تدريس ايديلن « تورك تاريخ مدنيتى » تقريرلرينك اوچنجى سى